

第三名



謝雨蓁

歸來个理由

得獎感言

首先，由衷謝謝評審們的肯定。這是我第一次嘗試寫小說，很幸運能夠獲獎，這無疑給予我莫大的鼓勵與力量讓我繼續創作下去！當然，身為一位創作新手，我深知我的作品還有相當大的進步空間，過程中雖然磕磕絆絆，但也因如此，使我從中獲益良多，不只是在文學上也是語言上，這些經驗，無論是好是壞均將成為我未來向上邁進的養分，往後，我會帶著這份初心，繼續在文學創作的路上努力耕耘，謝謝！



歸來个理由

一、

咕咕咕，一陣刺耳个雞鳴聲傳來。

「還吵哦，這下幾多點了？」邱志興拿起了手機一看，螢幕頂項顯示早晨九點半。

「噯！仰結煞呢愛慢到了！」緊發出淒慘个怨聲邱志興緊無閒愛對眠床頂跋跣起來。

「嘶，頭那仰感覺恁痛啊？」講著佢就愛行去洗身間洗淨。

「欸？麼个鬼，這係哪啊？」邱志興環顧咧四周圍發現佢處於一個完全生份个環境。

佢趕緊向間房个窗仔探等去，發現佢正在一个佢完全毋識个細莊頭。

正當佢還在該想這算來係仰仔个事情呢，「刷刷刷」。

「哎呀，看起來你醒咗喎，小志。」蒼老个聲傳來。

邱志興著驚一大跳，往聲个來源看去，發現門口當在該企等一個身材矮細、白毛雪雪還過慈眉善目个老阿婆。

「你醒咗喔，遽啊去梳洗好過咗來食朝嘞，佢特別做咗一桌蓋好菜喔。」老阿婆緊講緊帶等刷刷刷仔个拖鞋聲定定仔行出去咗。

到了洗身間邱志興看等鏡裡背一儕人歇睏个自家，佢還係撼毋通佢仰會在這還有該老阿婆係麼儕又做麼个呢親暱暱仔喊等自家个名仔？

「唉呀呀，小志啊，遽啊來食啦，無飯菜愛冷忒咧。」

聽著外背个催促聲，佢心肝肚恬恬仔計畫等一下仔遽遽打通電話請同事小吳幫佢攞公司講佢愛請假，還過用地圖軟體看啊佢算來係麼个所在。

二、

飯桌項擺淦淦个家常菜，還過都係佢盡好食个。

「來來來，坐這啦，遽啊來食。」

邱志興警惕个坐下來。

「來，佢記得你頭擺啊，盡好食這品薑絲炒大腸。」

老阿婆緊講緊像係愛攞歸盤菜都挾入邱志興个碗樣仔，無一下仔，碗中个菜堆做一隻細山。

當在該想等到底無應該食老阿婆分佢食个時節，淨看阿婆定定仔食起來，邱志興乜挾起了一坵大腸放落嘴。

「嗯～實在忒罇罇吔，當久無食著恁自然个薑絲炒大腸，又酸又扯飯，毋過總感覺又有一息仔熟事个味緒。」正當厥心肝肚試著奇怪个時節。

「這擺轉來這位有當懷念無啊？佢記得你盡尾一擺來這還係你三歲个時節呢！」

聽忒邱志興腦中浮現一息仔熟事个畫面。

「無成……你係阿滿阿婆？！」

「當然啊，慧仔，佢就係阿滿阿婆啊。」

「該佢仰會在這呢？」邱志興問當急。

「這個……佢也毋係當清楚，佢乜無確定，淨知你某一暗晡帶等歸身仔酒氣敲響佢屋下个大門，問你發生麼个事情呢，你就噉等講你無想愛過去公司上班了，該噉……小志啊，有仰仔無？係毋係分人欺負啊？」阿滿阿婆帶著關心个表情問等。

「奇怪哦？記得佢到這片進前个該日，頭家表揚愛升做主管啊，過地大家同佢辦理一隻升遷宴，食了當多酒過地……續等啊……還過到底發生麼个，佢仰毋記得咧？」想到這，邱志興露出了苦惱个表情。

「唉呀，你仰仔咁呢，毋歡喜个事情就分佢過去啦！你佬久無轉來，佢帶去附近仔遶遶啊，順續仔去佢个茶園行行啊來！」

「噉好，等佢用手機仔處理一下公司个事情過後就摻你共下去啦！」

邱志興心肝肚項安慰自家「雖然有當多奇怪个地方，反正等一下就做得拿手機仔確認這到底係麼个一回事。」

三、

回到房間後，邱志興連無閒尋公司个群組，嘎發現仰都尋毋著。

「無成係分人退出群組了噉？」

想到這，佢連尋同事小吳个打嘴鼓室，著驚个發現，佢最後背發分小吳仔訊息竟然係「佢試著這頭路無適合佢，想地當久，佢決定愛轉老屋歇睏咁，無確定哪時會倒轉來，無定著幾多年，可能永遠毋會，這段日仔盡歡喜熟事你這個好友！」

看到這，邱志興心想：「無成佢正經受著麼个當大个打擊正毋記得這一切哦？」

想到這，佢連無閒打小吳个電話想愛摻佢問清楚來，手機仔項嘎顯示大个顯示「無網際網路服務」。

這個時節，佢正發現手機仔根本收毋著任何訊號，佢還在高擎手機仔四個所在尋訊號个時節，間房有一個無个地方紅光緊瞞，一個微型鏡頭摻這一切記錄了下來。

同時，當在該有一儕人對手機仔項注等所有个東西。

無幾久，刷刷刷仔个聲又傳過來。

「小志啊，慁愛來去了唷。」

四、

晴空萬里，日頭晟光咁大地，乜摻逐儕人都晒到燒暖熨熨仔。

「阿滿啊，你仰恁慢正來，遽啊來食粢粑仔摻食杯茶啦。」

茶園脣項个一群阿公阿婆，面項還帶等分人烈日晒過盲退去个紅昏，緊食點心緊七嘴八舌嫵打嘴鼓。

「這就係你个孫仔咁，既經生到恁大了，你阿婆長透摻你掛在嘴脣呢！罕得轉來就好好摻佢做伴，佢當想你。」一隻頭那莫等一隻細花毛夾仔阿婆講著。

「這後生仔看起來蓋好哦，一看就有前途，佢等這個莊頭啊，已經蓋久無後生仔來也，就淨伸著偲這兜老貨仔，還有兜仔都市壓力瀉轉來个人。」

聽到這，邱志興尷尬个笑等儘採回覆也幾句仔，儘採尋一隻理由來離開也。

行啊行看著一排照山寨築个古老屋舍，紅磚瓦頂在日頭下閃等溫潤个光，石板細路仔舁等一層碧綠輕紗，行等去看著一口古井行，井口用青石結成，脣項分歲月磨到圓潤潤還過微斑駁，裡肚个井水鮮，去該井口看下去，井裡肚深幽還過隱約透露冷意。

邱志興看等映在水面自家，就算還有當多事情都摸毋著頭緘，這央時面項嘎係帶等抹淡淡个笑意。

「喂！你係麼儕，在偷偷摸摸个做麼个？」一個後生个男仔人帶等嚴肅个口氣大聲喊。

「無……無麼个，佢淨係好奇想看啊井肚有麼个呢。」邱志興遽遽澄清。

「你係麼儕？佢頭擺仰無看過你啊？」少年還係帶等懷疑个表情問等。

「喔佢係……佢係該個哪！阿滿阿婆个孫仔！」邱志興佢連無閒回答。

後生仔又接等問也一息問題確認這個生份人个身分，在邱志興一一耐心回答過後，少年極縮个眉頭總算放鬆下來。

「你好，佢安到小剛，既然你講你係對都市來个，該你做得摻佢講都市生仰仔無？」少年帶等金金个目珠問。

撻小剛打嘴鼓過後邱志興了解著，小剛係這莊頭少有个後生仔，對細生活在這個莊頭肚係無爺無哀撻阿婆共樣做命，乜無行出莊頭，對都市个生活當好奇還過新娘衫妄。

無定著係因為年齡相仿還有共同話題，正恁仔一下仔，就撻細人仔該下做得了朋友。

「該你做麼个會倒轉來這呢？」

面對小剛个问题邱志興佢一時間也毋知愛仰仔來回答，毋過看等小剛無害个目珠，決定愛撻佢一醒來就突然間出現在這搭仔个古琢琢仔講過佢聽。

「麼个你講你一醒就在這吔？該你係毋係分人賣忒了啊，哈哈。」小剛正搞笑个講等。

看邱志興一面愁，小剛無閒就講：「唉呀！佢係講笑个啦！你毋會當真了喎？既然你恁愁慮，佢撻你問一下附近个人，看到你來个該日暗晡有人聽著無抑係看著麼个事情無，佢等這個莊頭蓋細个，閒時閒節也無麼个事情，像你恁仔忽然間出現在莊頭生份人，係非常萐个事情，一定會有人注意著个。」

「小志你仰在這呢，佢尋你蓋久吔呢！佢等遽啊歸去準備暗餐吔。」

毋知哪央時，阿婆一下仔出現在佢等後面。

「啊恁夜吔哦，佢就先轉去了，下二擺過尋你寮啊，拜拜！」

在膠小剛告別後，轉屋下个路項阿滿阿婆問「你兩儕後生人在講麼个啊？」

「無麼个啊，小剛淨係問佢一息仔有關都市个事情定定！」

「佢仔哦，該這位好搞無啊？」

「好搞啊，就係無網路無麼个方便。」

日頭西下天頂變做柑仔黃个暖色調膠一抹淡淡个紅色，兩子阿婆緊在該打嘴鼓緊伴拖鞋刷刷刷个聲音定定又樂線行轉屋下地。

五、

濛沙煙還在山腰層層起濛沙煙，一層茶園像青色个浪，踴等山勢起伏，遠遠看去茶園裡背有勤務个人，詳細一看，人群間異像有一個特別高、動作乜特別輕快个人影。

既經在這位一個月咧，邱志興漸漸仔慣咧這位个生活。佢逐日一醒就係攞等竹簍，輕踏等溼潤个泥徑，行向該片熟个茶園，露水在葉尖顫動，微風膠茶香膠泥个味緒共下，輕輕仔撲面，這時節日頭還冇完全醒過來，天地間散等一種恬靜个翠意，攝起袖仔，指尖輕仔撚等茶樹頂高該心肝渺茫茫，熟練地一捏一放，茶心便乖乖落去竹簍，手指分嫩葉个茶汁染到微微發黏，茶樹在朝晨光下金矚矚仔光澤。

「小志！你該片好咧係無？」遠位个阿婆問。

「差毋多也，偈來去嘢！」邱志興回應。

「來、來、來，食點心哪。」一位阿婆兜等一壺飄等陣陣清茶香膠一大盤散發番豆、糯米膠甜甜味道个點心過來。

邱志興在這位每日个作息都係臨天光五點䟽起來準備去茶園摘茶，九點半寮摻其他个阿公阿婆共下食點心打嘴鼓，下晝該就係滿哪仔行、同阿滿婆做一息雜事係無就去尋小剛打嘴鼓，十分樂線。

就在邱志興正慢悠仔行轉來个時節，遠遠啲便看著小剛急拚拚仔行過來像係有麼个急事。

「嗨！仰仔了？」邱志興問。

「來吾屋下个倉庫，佢有急事情愛摻你講。」小剛擲下來這句話過後又拚拚仔離開地。

「麼个鬼啊，中樂透地？」邱志興心肝肚想。

到小剛屋下个倉庫門口發現小剛該下早就在裡背等佢了。

「麼个嘛！明明有細路仔也無摻佢講一下仔，你該下做麼自家行恁遽啊？」邱志興細聲仔怨等。

小剛帶等嚴肅个表情向佢行來。

「欸欸欸，君子動嘴毋動手啊！佢係有學過个。」邱志興緊講愛放好拳擊影片裡背看著个預備姿勢。

小剛直接經過邱志興，行到門口確認四周圍無人後，摻門鎖起來。

「佢摻你講一件當重要个事情。」小剛正認真講个。

「唉啊，大哥！麼个大事情乜毋使搥到恁嚴肅啊！害佢心肝哼哼颯有幾遽，你敢知！」邱志興緊講緊拍自家个細心臟。

「莫過搵笑咗啦！正經有當嚴重个事情！佢兜第一擺堵著个時節，你毋係同佢講你一醒就在這吓？佢該央時還講咗你係毋係分人賣來个，佢無確定你係毋係分人賣來个，毋過你正經係分人綁起來个！佢認識一個別莊頭个人，佢講佢該日暗晡來偲莊頭行寮，看著有一臺烏烏个車仔，續下來有大約兩到三儕人同昏迷个你對車肚扛下來放到若婆屋下，該央時還係你阿婆指揮佢兜攆你扛入去厥屋下个！」小剛託低个聲音講。

「仰有可能，該儕人講个話信得無啊？同時佢又無在佢等莊下，來這做麼个啊？」邱志興面帶懷疑个問。

「欸……這個……好啦好啦，佢該日來佢等莊下係來偷倉庫裡背愛賣个茶米啦，佢乜係為著愛攆厥屋下人治療病，逼不得已正來偷个，故所佢看著該下乜毋敢攆別人講，佢攆佢從細都認識了，佢係毋會亂講話啦，佢來偷茶米个事情……拜託你毋好講出去！」小剛面帶做難个講。

「佢知咗啦，佢毋會講出去个，該佢還有看著麼个事情無？」邱志興緊忙追問。

「嗯……佢想看啊……噯！有了！佢講該央時還有一個同你著共樣衫个人乜在車肚，毋過該央時忒烏咗佢無看真面生到仰仔。」小剛講。

「麼个！該應該係吾同事小吳，無成佢乜分人綁架咗佢係無？」

邱志興將有關佢最後个記憶攆手機仔項个信息一字母漏个攆小剛講。

「原來係恁仔喔，該你這下愛仰結煞？」小剛關心个問。

「乜淨做得先繼續觀察了啫，係講小吳乜共下分人綁來咗，該應該乜在無蓋遠个莊頭，你做得再同佢打探看啊有佢个消息無？」邱志興問。

「當然做得！」小剛講。

「嗯……承蒙你咗！看時間乜無早哩，佢就先轉去了避免佢這兜疑狐，佢會再過恬靜看其他个，正來寮。」

邱志興摻小剛告別過後，行轉屋下个路項佢一直在思考，頭腦像係纏一窟理毋開个膨線。

六、

「你轉來了喔！今晡日仰會恁慢，遽來食飯啊！」阿滿阿婆溫柔个講，共樣个問候、共樣个口氣、共樣个場景，毋過這央時个邱志興嘅當得人驚。

「無麼个啦，淨係摻小剛打嘴鼓毋記得時間，阿婆，佢今晡日摻小剛打嘴鼓个時節，佢摻佢講佢進前認識个一個朋友个生趣事，你知小吳係麼人無啊？佢當像乜歇在附近个莊頭呢。」邱志興試探个問。

「係哦？佢無聽過這個名仔呢。」阿滿阿婆毋在意个講。

「係恁仔哦，還打爽哦，感覺佢係一個蓋生趣个人，佢天光日正去問看小剛好了。」邱志興故作打爽个講著。

「好叻，遽遽食啦，佢一下想起來佢个飯前藥放啊在間房叻，佢去拿一下，毋使等佢啦，你先食啦！」阿滿阿婆緊講緊躡等刷刷刷个拖鞋聲走忒咧。

轉到間項就看得出阿婆拿出來囤在櫃仔肚个手機仔，傳送「佢在疑狐叻」个信仔。

七、

自從知自家係分人緝來个，邱志興一直恬恬仔在拿手機仔來尋訊號，毋過莊頭逐隻角度都踏遍叻嘅還係尋毋著任何个訊號，佢摻這件事情同小剛講過後，小剛決定愛帶佢去其他莊頭尋，轉到屋下邱志興摻阿滿阿婆講小剛愛帶佢出去寮，佢佬著藉口出去，避免佢起疑，阿婆欣然答應了，等邱志興一離開，急促个刷刷刷聲響起，佢連無閒打開手機仔摻別人傳訊息。

邱志興摻小剛尋著，突然間，佢看著咁一抹當熟事个身影，「係小吳！」邱志興著驚呼道，佢大步走上前：「小吳！你乜分佢捉起來咁係無？」小吳回頭，目神肚有種講毋出个平靜。

「小志，恁久無看著。」佢笑等講，語氣異常个溫柔，「佢在這，一直都當好。」

「你仰做得講當好呢？佢等愛想辦法離開這！」邱志興氣急，「佢尋著个每一個地方都無訊號，這莊頭根本分人隔絕起來了！」

小吳低頭，沉默良久，正緩緩仔道出：「志興，佢愛摻你講一件事情。該這一切……毋係偶然。」

邱志興呆等：「麼个意思？」

小吳臥起頭那，目珠裡背閃過一絲壞勢同溫柔，「佢從來毋識離開過這隻莊頭。佢係阿滿阿婆派去都市个人。」

「你講麼个？」

「幾多年前，佢就開始發病哩。該央時佢輒輒掛吊等你，佢最大个願望，就係在續下來个時間裡背肚做得有你在厥身邊。」小吳語氣低緩仔，像在該想出一段當久个老祖公，「故所佢委託佢去都市尋你，愛佢想辦法分你轉來。」

「故所……該場升遷宴、該日个酒、後尾你送佢離開……」邱志興聲幾乎顫。

「都係安排好个。」小吳講，「佢知恁樣當殘忍。毋過佢正經淨係想你。」

濛沙煙還較醺了，空氣裡肚飄等溼潤个茶香膠泥氣息。

佢喉嚨乾燥絲問：「該……佢這下仰仔啊？」

「病又重咗。」小吳講，「佢撐等無講，就驚你嚇著。佢講斯愛你肯留下來，就好。」

就在這個時節，熟事个「刷刷刷」當遠來近。

阿滿阿婆躡等拖鞋行過來，神色有兜仔雪白，嘎本本笑到溫柔「小志啊，你等在這做麼个？風大，會凍著。」

厥手項兜等一罐燒茶，白霧肚，厥影仔顫悠悠。

「阿婆，你做麼个愛恁仔？」邱志興聲音沙啞，「做麼个毋直接喊佢轉來啊？」

阿滿阿婆放落茶壺，輕聲嘆息著，「佢知你無閒啊，都市恁遠，該恁多事情。係講佢講想你，你乜淨會答案『另日再歸來』。佢老咗，等毋起該隻另日啦。」

佢抬頭看等佢，目眶帶等一息溼潤矚等微光，「佢就想……在佢還做得停動个時節，看你，再膠你共下。」

四圍靜到淨伸著風聲，茶樹葉微微搖動，空氣裡肚滿係青翠膠目汁个味緒。

佢輕輕仔翕厥手，「小吳會留下來照顧茶園，佢呢，就想看等你，哪驚過看幾日也好啊。」

「阿婆，等你好起來，佢帶你去都市看啊好無啊？該位有盡高个樓、當湛个燈仔。」邱志興帶兜仔硬喉个講。

「毋使啦。」佢微微搖頭，笑容較恬靜如水，「佢這一生人，看罇了山，乜看罇咁人。今這下，佢淨想看等你。」

佢个手巴掌有一息冰涼，嘎又異穩定。

天時暗下來，鳥群歸竇。

小吳默默兜來一壺新茶，放在佢這兜之間。三儕人恬恬仔坐等，麼人都無再過講話。

風輕輕仔過，帶起樹葉仔个沙沙聲，像係一條恬靜个搖籃曲。

該一夜，阿滿阿婆帶等抹淡淡个笑睡去。

第二日打早，雞鳴聲過響起來。霧氣慢慢仔散忒，窗門外背个茶園在晨光下還係金若若仔青青个光芒對該日起勢。

對該日開始，邱志興無再過離開過莊仔。

逐日朝晨五點，佢會牽等竹簍公上山摘茶；當晝頭晒茶，過晝泡茶；臨暗邊，佢會坐在天墀坪中老藤椅頂，緊攞阿婆打嘴鼓緊享受暗晡頭个掌啊。

有成時佢會想起城市个吵鬧，毋過該畫面乜緊來緊濛。

山濛沙煙還係，茶香還係。

就係，村民加咁一位新个村民——

該隻總好笑等、講話輕輕个後生仔，安到邱志興。

還過外背个世界裡背，該位升遷失蹤个上班族，早就分都市毋記得。

八、

「叩叩叩」，在一個恬靜个朝晨，一陣輕輕仔推門聲打斷這恬靜。

「入來。」冷硬又蒼老个聲音響起。

刷刷刷个腳步聲帶等一道後生个身影在間房个門口停下來。

「做到當好，這係尾款，記得摺監控拆較淨兜仔，莫留下痕跡。」阿滿阿婆講。

「好哦，恁仔細，佢有一個問題蓋好奇想問你，看你生龍活虎个，你正經發病了哦？」後生个聲響起，眼金金仔看等面前个老人家。

「小剛啊，人老咁，麼人無一個病在身？拿了錢，記得麼个該講麼个啊無應該講，佢做得摺小吳送去城市喔，你呢？」